



# Hello Kampus

## SABAH & SARAWAK



TUN Abang Muhammad Salahuddin Abang Barieng dan Abdul Taib Mahmud bersama isteri dan tetamu kenamaan lain ketika menghadiri Konsert Titian Gemilang RTM-Unimas di Kota Samarahan, Sarawak, baru-baru ini. - UTUSAN/ZAPHNE PHILIP



DARI kiri, Dayang Nurfaizah, Azharina, Asmidar dan Alyah membuat persembahan dalam Konsert Titian Gemilang RTM-Unimas.

## Titian Gemilang RTM-Unimas martabatkan muzik orkestra

KOTA SAMARAHAN 18 Dis. - Pengeluaran Konsert Titian Gemilang RTM-Unimas diharap dapat mengangkat irama dan muzik orkestra ke peringkat kampus serta memupuk rasa cinta kepada seni negara melalui muzik yang bermutu.

Menurut kenyataan yang dikeluarkan Unit Komunikasi Korporat

Universiti Malaysia Sarawak (Unimas), gabungan orkestra itu juga bertujuan mendekatkan RTM dengan masyarakat terutama golongan muda melalui gerak kerja Merentas Kampus.

"Konsert yang bertemakan *Seputang di Bumi Kenyalang* ini turut diserikan dengan persembahan beberapa artis popular tanah air

seperti Dayang Nurfaizah, Alyah, Azharina, Asmidar dan R. Ismail. "Beberapa segmen turut dipersembahkan iaitu *Patah Tumbuh Hilang Berganti, Kenangan, Popular, Terkini* dan *Instrumental*," jelas kenyataan itu.

Selain itu, seramai 20 mahasiswa Program Muzik Fakulti Seni Gunaan dan Kreatif (FSGK) dipilih

mewakili Koir Unimas untuk membuat persembahan lagu-lagu instrumental.

Majlis tersebut dimeriahkan dengan kehadiran Yang Dipertua Negeri, Tun Abang Muhammad Salahuddin Abang Barieng, Ketua Menteri, Tan Sri Abdul Taib Mahmud dan Timbalan Menteri Penerangan, Komunikasi dan Kebu-

dayaan, Datuk Joseph Salang Gandum.

Seramai 300 pelajar Unimas mengalu-alukan kehadiran tetamu kehormat dengan persembahan Flash Mob.

Menurut kenyataan itu lagi, turut berlangsung ialah Pameran 20 Tahun Unimas dan Pameran RTM selain Program Kek Lapis Terbesar

bersaiz 5x10 meter yang mengambil masa selama 10 hari untuk disiapkan.

"Pembuatan kek ini dianjurkan Sekretariat Rakan Integriti Mahasiswa Unimas dengan pengusaha kek lapis, Rabiah Amit. Seramai 30 mahasiswa Unimas terlibat dalam penyediaan kek tersebut," jelas kenyataan itu.